

ERISSET KE MKPA JESUS
John 19:31-42; Matthew 27:62-66; John 20:1-31
OYOHQ UKPEP-NKPQ 14 – Eke Mkparawa

IKQ IBUOT: “Edi ke akpanikọ ema enam Christ eset ke mkpa, nte akpa mbuñwum ke otu mmọ emi edede idap” (1 Nwede Corinth 15:20).

Ufak Emi Ekeñwọñde

Abasi ama ebere ndinọ Jesus edi ke isọñ usen kiet man mme owo ekut nte mmọ enyenede ndidu uwem nto ke Uwem Esie; ñko ke Enye enyene ndiduok Iyip Esie nnyuñ mkpa man ekpafen ke idiok-ñkpọ mme owo man mmọ ñko ekpeka ke Obio Abasi.

Ke ofuri akani Ediom, mme anditiñ ntiñ-nnim ikọ eketiñ ebaña ini Jesus edidide man osio isop ke abaña idiok-ñkpọ mme owo; onyuñ oto ke ntak emi mme anditiñ-ntiñ-nnim ikọ ekenimde ke akpanikọ ete ke Jesus eyedi, akanam Abasi efen ke mme idiok-ñkpọ mmọ ñko; ndien ke ini mmọ ekpade, mmọ eka Ke Obio Abasi. Abasi ama etiñ ọnọ mme anditiñ ntiñ-nnim ikọ se akanade mmọ etiñ, emi ekemende owut ofuri akpanikọ; nre ke kpukpru ñkpọ ekewọrọ esu okposuk nte tọsin ediwak isua ebete tọñọ nte eketiñ. (Se, mme utọ itie ifań ke afo edikut ke ukpep-ñkpọ emi, eke asańade ekekem ye ikọ Abasi Akani Ediom, utọ nte Psalm 22:16; 69:20; Isaiah 53:4-7).

Abasi ikamaha ke ini akpa owo, Adam, akanamde idiok-ñkpọ; Enye ñko inyuñ imaha ke nnyin inamde idiok-ñkpọ. Enye etiñ ọnọ nnyin ete ke ana nnyin ibọ ufen ke idiok-ñkpọ nnyin, ndien edieke Jesus mikakpaha ke ntak nnyin, kpukpru nnyin ikpenyene ndika hell. Edi Abasi akamama nnyin eti-eti anam Enye ọdọñ Jesus, Kierakiet Eyen Esie, akakan ñkpọ-uto Obio Abasi, edibọ ufen ke ntak nnyin. Jesus akayak mme owo etọ Enye etap, eyara Enye anyanya ñkukim ke ibuot, emia Enye ke ikpa, etiñ ikọ esuene ye Enye; edi Enye iborọke baba ikọ kiet. Enye ama ọtọñọ ndibiom ndodobi Krọs, edi ke mbon ekọñ ekutde Simon, owo Cyrene, enyuñ enam enye obiom tutu okosim obot.

Man Nnyin Idu Uwem

Ke ini otu owo ema ekem enyọñ obot Calvary, mmọ emen Jesus edian ke Krọs enyuñ eda okpo-ukwak ekọñ ubọk esie mbiba ye ukok esie edian ke Krọs. Nre ke mmọ emenere krọs ewuk nnen-nnen, ndien Jesus ọkọñọ do, Iyip onyuñ ọwọrọ Enye ke ubọk ye ukot. Ke esisit ini ebete, owo ekọñ ada eduat esie okim Jesus ke ñkań, ndien Iyip ye mmọñ ewọrọ. Ke ini mmọñ ọwọrọde, owut ete ke kpukpru Iyip okure, oro owut ete ke ema eduok nnyuñ ndọhọ Enye ada Iyip oro ọkọduọhọre ke Calvary eyet idiok-ñkpọ nnyin efep. Nte Jesus ikanamke ọfọn ye nnyin?

Ama anam Abasi ọfuhọ eti-eti ke ndikut nte mme kpukpru ke ntak idiok-ñkpọ nnyin. Idahemi imekeme ndibine Jesus owo ekediokde ye Jesus, Enye ama anam ekim ofuk isọñ kpa ke ini edide ufot uwemeyo. Ekim ama odu ke hour ita, unyek-isọñ ama odu ñko. Oro ama anam mme owo ndik, ndien ndusuk mmọ emi minimke ke akpanikọ edọhọ ete, “Ke akpanikọ owo emi ekedi Eyen Abasi.”

Enim Jesus Ke Udi

Mme Jew ema etiñ enyin ebaña erinim Sabbath. Emekeme ndikere ete, ke mmọ ema ekenam Jesus kpukpru ibak ema, ke mmọ ikenyeneke akpan ifiok ibańa ido ukpono. Edi mme owo edu mfin emi edọhọde ke mme imọ idi nditọ Abasi edi ke esu nsu, etọhọ utok, eka ekese mme idiok ndise enyuñ enam ediwak ñkpọ emi Jesus miyomke mmọ enam.

Ke ntak emi Sabbath ekekperede, ndien Ibet ọkọdọhọ ete owo ekededi emi ọkọkọñde ke eto, ikenyeneke ndidu do, mbe usen oro, mme Jew ema edọhọ Pilate ete ayak ebuñ ukot Jesus ye eke mbon inọ iba emi ekekọñde ye Enye man mmọ edifehe ke ema ekekọñde mmọ. Ke ini mbon ekọñ ekade ekem Jesus enyuñ ekutde ete Enye ama akpakpa ama, mmọ ikobuńke ukot Esie. Mme isua ikie ebe ke edem mbemiso ñkpọ ntibe emi, David ama etiñ abańa Jesus ete: “Enye ekpeme kpukpru mme ọkpọ esie: baba mmọ kiet ibuńọke” (Psalm 34:20). Abasi ikayakke baba ñkpọ kiet efen anam Jesus ke mibọhọke se Enye akadade inua mme Anditiñ ntiñ-nnim ikọ etiñ ete ke eyetibe.

Joseph owo Arimathea ekedi eti owo emi eketiede ebet Obio Ubọñ Abasi, enye ikonyuñ itińke baba idiok ikọ kiet idian Jesus ke ini ikpe Esie. Nnyin ikopke ñkpọ baba kiet ibańa enye mbemiso ini emi, edi idahemi

enye aka ebine Pilate uko-uko ekebeñe okpo Jesus, man enye okpobuk Enye. Joseph ama enyene obufa udi, ikoyomke usuñ ikpōñ krōs, do ke enye okonim Enye. Nicodemus ama asaña ye enye onyuñ añwam enye ke ndida afia linen, emi asanade, awañ Christ ke idem, mmọ enyuñ edep nsōñ-urua ufuōñkpọ eyet enye, mbak edisọp abiara, nte ido mme Jew edide. Joseph ekedi owo inyene man okosu ke se Isaiah, anditiñ ntiñ-nnim ikọ eketiñde, “Mmọ enim udi esie ye mme idiọk owo, edi enye odu ye owo inyene ke mkpa esie.”

Udi Ndomokiet Ikemeke Ndimum Enye

Mme Pharisee emi ekekoñde Jesus ema eti ete ke Enye ama ọdọhọ ete iyetọñọ nta iset. Mmọ ema ebeñe Pilate ada ufik-ñkpọ efik ke udi man owo edika okosio okpo esie do. Joseph ama okibi itiat do ke inua udi, ndien idahemi mme Pharisee ye oku efik ufik-ñkpọ enyuñ enim mbon ukpeme man ekpeme. Edi edinam owo ekpri onyuñ emem didie ke ndibiọñọ edinam Abasi! “Owot mme idiọk owo ke ibifik mkpọk-inua esie” (Isaiah 11:4). Afo emeti ini emi ekesinde Daniel ke obube mme ekpe, ema ekibi itiat ke inua obube, ema enyuñ eda ufik-ñkpọ edidem efik ke esit; edi oro ikọbiọñọke Angel Abasi ndibe nduk. Angel ama ebe oduk ke ata esit, etiene Daniel oduk onyuñ okibi mme ekpe inua.

Ke ekekemde ini ediset Jesus, Enye ama ọwọrọ ofuri ofuri nte ñkpọ eke ñkpọ baba kiet mikọbiọñọke Enye. Enye ama enyene ikpohidem ubọñ emi Enye ekemede ndida mbe nduk ke mme usuñ emi ema ekeberi. Ke ini Jesus edidide ndida ikọt Esie, mmọ emi ebeñede idem ndika eyenyene ukem ikpohidem oro, eyenyuñ ebe ke ọkọm ufọk (oro edi ke mmọ ekpedude ke esit ufọk) etie ukem nte ọkọm ufọk oro mikoduhe do: ndien mmọ eyedu ye Jesus.

Jesus ama etiñ ọnọ mbet esie ediwak ini ete ke Imọ iyekut ukut inyuñ ikpa, ndien ke Imọ iyefiak iset. Mmọ ikoyomke kpukpru ñkpọ oro otibe ọnọ Jesus, ntre mmọ ikakpaha ndikere mbaña mme ñkpọ oro. Jesus ama etiñ ọnọ mmọ abaña nte Enye edibighide ke udi, oro edi uwemeyo ita ye okoneyo ita. (Mme Jew eda usen ke ndibat okoneyo ye uwemeyo, ndien Jesus akakpa ke ubak Friday, Saturday ye Sunday).

Ke ini Jesus ekesetde Enye ama obuñ mme mkpọkọbi mkpa. Emi ekedi ata utibe erikan, ndien isọñ ekenyek ke kpukpru idaha esie. Enye owut nnyin ete ke uwem do ke mkpa ebete. Ini kiet nte Enye okosuk etiñde ọnọ mbet Esie ete ke Imọ imọñ inyọñ, Enye ọkọdọhọ mmọ ete ke Imọ iyefiak idu uwem, ndien, “Sia Ami ndude uwem, mbufo eyedu uwem ñko.” Paul etiñ ọnọ nnyin ete ke Christ ekedi akpa mbuñwum ke otu mmọ emi edede idap (me ekekpade), ndien ke Enye ama afiak edi kpukpru mmọ emi edide Esie eyeset ye ikpohidem ubọñ man efiak edu uwem (1 Ñwed Corinth 15:23).

Ke Jesus ama ọkọkpọñ udi, angel ama ọsuhọre edikapat itiat efep man mbet ekpekut ete ke Jesus ama ọwọrọ do. Mbon ukpeme emi owo ekpokerede ete edi ata mbon uko ema ekabare edi mmọ eke mkpeñeyēñ ye ndik akanamde, mmọ ikekemeke ndidaha do. Ke oro ebete mmọ ema etiñ enọ mme oku se ikotibede, ndien mme oku enọ mmọ ediwak okuk man mmọ ekpetiñ enọ mme owo ete ke mbet Christ ekeka ekeyip okpo Esie ke okoneyo. Mmọ ikoyomke baba owo kiet onim ke akpanikọ ete ke Jesus ama eset ke mkpa. Ñkpọ emi akanam mmọ ebiet mbon ukpeme emi mikọdiọñọke utom mmọ. Edi ndusuk owo ekeme nditiñ se ekekeme man eda enyene okuk.

Esit mbet ema edobi eti-eti ke ini mmọ ekekade ke udi man eketim okpo Jesus. Kpa ke ini mmọ ekeikutde ukpọk udi, mmọ ikekereke ke Enye ama eset. Edi angel iba emi eketide mmọ se Jesus eketiñde ebiọñọre ete: “Eyeda Eyen Owo esin mme idiọk owo ke ubọk, eyenyuñ ewot Enye ke krōs, ndien ke ọyọhọ usen ita Enye eyetọñọ nta eset” (Luke 24:7). Ke ini mmọ etide mme ikọ oro, mmọ efeñe ye akamba idara man ekesian mbet eken ete ke Jesus odu uwem. Mary Magdalene ekedi akpa owo ndikut Enye; ndien ke oro ebete Enye owut Idem ediwak ini, ndusuk ini owut ibat ibat owo, ndusuk ini ñko Enye owut ediwak owo ke ini kiet. John etiñ ọnọ nnyin ete ke imọ ima idu do inyuñ ikut kpukpru ñkpọ oro ke idem imọ, inyuñ imum kpukpru mmọ ikama nte se idide akpanikọ.

MME MBUME

1. Nso ikanam ekubuñ ukot Jesus?
2. Nso ubọk ke Nicodemus ekenyene ke ndibuk Jesus?
3. Nso ñkpọ ita ke mmọ ekenam man etim ekpeme udi Jesus?
4. Anie ekedi akpa ndikut Jesus ke Enye ama ekeset?
5. Nte emekere ete ke ekpenyaña nnyin edieke Christ mikakpaha?
6. Mme ikọ Jesus, “Emem osuk odu ye mbufo,” eketiñ utim ikata ke ufọt usen itiaita. Ke mme nso ini?